



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XL.

urn:nbn:de:hbz:466:1-11453

lento iter cum paucis ingreditur, & muris transcens, in arcem se recipit, Adolphumq; in loco quietis deprehensum capere conmittitur. Ille expergescens, gladium arripit, & in defensione virili capi non passus, ab inuito ceditur Hartwico: perinde arx capta traditur Gerhardo. Adolescentulum, de more camerarium, Adolphus habuit eiusdem Hartwici filium, quem, ne proditor domini putaretur, pater necans coniunxit Adolpho: Amborum visuntur hodie in ecclesia monasterij monumenta.

CAPVT XL.

Est & alia in eundem exitum aliorum narratio. Tradit, Hartwicum memoratum Adolphi comitis fuisse arcis prefectum, cum omni familia demorantem in arce: In eum cum Adolphus atrocem irrogasset iniuriam, oblitus forte pudoris in eius coniugem, aut sobolem: (res enim non satis explicatur: sed pro magnitudine facinoris, verisimile est, non vulgarem fuisse iniuriam, cui tantam vir militaris impendisset vindictam) exulceratus Hartwicus, cum doloris esset impatiens, primo manè fores pulsat cubantis comitis, properatque opus, vidisse magnum ferarum gregem, quem facile sit concludere indagine, si properetur: Comitem tū venationis percupidum, resecasse fores, ingressum Hartwicum confodisse nudulum, & illi, ut diximus, simili cecidisse proprium filium. Hæc prima calamitas in filio Iohannis comitis & agria: qui prouectioris ætatis relictam Erici regis Dania reginam, vxore defuncta, duxit coniugem, ex qua sustulit filios, Christophorum atq; Iohannem Largum: (res enim obscura est, & in annalibus non satis explicata) captum senem vel à filiis vel à militaribus Iohannem patrem tradunt è Bramhorst in Kilonem esse perductum, ibiq; diu tentum. Qua ex re ducor

ducor in sententiam, ut vim illam perpeffum à filijs senem crediderim. Inuenit tamen fideles, qui clam laxatum, nauigio Lubicam abduxere, ibique per annum permanens, re inter disidentes composita, reducitur in Kilonem. Iactauit fortuna comitem illum varijs casibus: & nunc regalibus nuptijs, ut diximus, extulit: inde à suis habitum contemptui deiecit. Sedebat ad mensam in arce Kilonis, cum inter ioca plurima nimis exasperatur ab adolescentibus, qui de more seruiunt nobilitati: Conuersus in eum insanus ille, qui improbius illi instaret, osse proiecto, comitem altero lumine exoculauit. Filius eius Christophorus regi Dania, fratri vierino, cognominis, cum ad fenestram in arce sublimiorem staret, incertum ab alio impulsus, an suo decedens infortunio, in fossatum corruens ceruices confregit: Ita factum est, ut Iohannes ex multis filijs solum relinqueret superstitem Iohannem tertium, quem cognominare Largum.

CAPVT XLI.

Gerhardus cæci filius, cum audiret casus fratrue-
lis sui Iohannis, & multiplicem in filijs calamitatem, singulariter motus atroci exitu Adolphi, rebus compositis, Lubicam ingreditur cum filijs: ibi, ut confidebat, securior futurus, quod amaritudinem ex prioris bellis consedissee vereretur apud nonnullos in opportunitate vindicatu-
ros. Eius, ut diximus, filius Gerhardus, solus parentibus superstes, ab ecclesia redibat in seculum: apud quem instituisse ferunt Christophorū Daniæ regem, ut qui in vrbe Lubica commaneret, accepta pecunia Iohanni adolescentiori fratri suo, regis vierino fratri, permetteret in Stormaria suam ditionem. Recusabat Gerhardus, quod & illi filius esset Iohannes,
& non-